

صاحب امتیاز و سرمحرری
اورفه مبعونی

شیخ صفوت

مرکز نوزعی باب عالی جاده سنده
جمیت کتبخانه سیدر

نسخه سی ۲۰ پاره در

تصوف

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

التصوف کله آداب : ابوحنفص عمر بن مسلمه
عرفای امتک مقالات عارفانه لرینه تصوفک محیفه لری آچقدرد

تصوفه متعلق مباحث شتادن باحث و مکارم اخلاق اسلامیتک تعمیننه خادم مجله معنویه در

بیاننامه جناب مشیختیناهی

دین مبین اسلامیتی سیاسیانه آلت ایتک صورتیه
عقول بسطله اربابنک مظاهرت جاهلانه سنده منافع
خصوصیه تأمیننه چایشان ارباب احتراصک برمدتدبری
خلافت معظمه اسلامیه تک شیخ الاسلام و مفتی الا نامی
موسی کاظم افندی حضرتلری علیهنده اشاعات بدخوا -
هانیه تصدیلری اوزرینه افکار عمومیه تک تنور
و ارشادی نیت خیره سیله مشارالیه حضرتلری بوتون
ملت محترمه اسلامیه خطاباً جرائد یومیه در بر بیاننامه
نشرینه همت بیورمشلردرکه بو وشقه مهمه دینیه :
جایجا عالم اسلامیتی رخنه دار ایتکده بولسان امراض
مزمنه اجتماعی برحذاقت کامله ایله تشخیص ایلمشدر .
مکارم اخلاق اسلامیه جهتدن تصوف اله مناسبت
کلیه سنه مبنی تیمنا و تبرکاً بوجه آتی مقاله مذکورمه تک
عیناً درجیه مطالعات مخصوصه مزک علاوه سی مناسبت
کورولمشدر .

..

(هیکز جبل متین الهیه یایشکزر . تفرقدن
قطعیاً اجتناب ایدیکز . نزاع و خصومتله
قوتکزی ضایع ایتیکز . غیتدن ، نیمه دن ، کذب

وافترادن صوک درجه حذر ایدیکز . بر بریکزه دائماً
معاونت ایدیکز . قتنه و فساددن توقی ایدیکز . قتنه
قتلدن اشدردر . مؤمنار قارداشدر . باشقه دورلو اولاماز -
ماللرنده اولان نیجه آیات قرآنیه سیله و (بالفعل التزام
اولغذیفه لزوم کفر : کفر دکدر) و (برکیمسه تک
کفریه طقسان طقوز ، ایمانده بر دلیل بولنسه ایمان
جهتی ترجیح اولنه رق انک ایماننه حکم ایتک لازمدر) .
(بر اهل قبله یی تکفیر ایتک اصلا جائز دکدر) . کبی
برجوق قواعد اعتقادی و اخلاقیه سیله دیانت جلیله
اسلامیه بوتون مسلمانره مدیت فاضله انسانیه تک اساسلری
کوسترمش وانلری صوری و معنوی ترقی و تعالیلری
تأمین ایدمچک احوال سنیه و اخلاق حمیده
اکتسابنه سئوق ایتش و بقاسنی تهلیکیه القا ایدمچک
هردرلو اقوال سخیفه و افعال کریمه دن شدیداً منع ایتش
ایکن مع التأسف برجوق عصرلردبری بو دین مبینک
شو کبی ارشادات عالییه سی خلافنده حرکت اولنه رق بر
طاقم منافع خسیسه سیاسییه تأمینیه مقصد ملعنتکارانه سیله
دین نامنه بین المسلمین تفرقه ، نفاق ، شقاق القاسنه
چالیشلمش و بو یوزدن نیجه حکومت اسلامیه
محو و یریشان وبرقاج یوز میلیون اهالی مسلمه ایدای
اجانبه دوچار خذلان اولمش و بوکون دنیاده بوتون

قارشی اختیار سکوت ایلک موافق مصلحت اولامیه جغندن بوباید خلاصه بروجه آتی بیان حاله مجبوریت حاصل اولمشدر.

بوعاجز تخمیناً ۱۲ یاشمده اولدیف حالده طریقت جلیله علمیه سالک اولدم . بعون خدا اوزمندن بو آنه قدر کافه احوال و افعالی اومسلک عالینک مقتضیانه توفیق ایتمکه و سم یتدیکی قدر چالشدم طلبک زامنده دائماً جدیت و استقامت و عفتی محافظه موقوف اولدیف کی اندن صوکرده کerk تدریسه مأمور اولدیف ائشاده و کerk سائر مأمور بترده بولدیف هنکامده ینه عونه تعالی مسلکمه شین و یرمک ، صوری و معنوی موجب اتهام اوله بیلجک حالاتدن توفیق جهسد و اقدام ایلدم و حالاده ایتمکه یم .

هرکسه قارشی بورجلی اولدیف وظیفه انسانییه مدت حیاتده بون قدرتمله ایفایه چالیشدیکی عالم السر والحقایق اولان جناب حق قارشی مکلف اولدیف وظایف عبودیتده دخی ممکن اولدیفی قدر قصور ایتامکه صوکه درجه چالشدم و حالاده چالشقمده یم .

مجرد توفیق سبحانی اوله رق سنین و فیرده دن بری (وضو ، سلاح مؤمندر) ماننده اولان حدیث شریفه دخی عمل ایدهرک طهارت ظاهریه اعتناده بردوام اولدیف کی ینه برچوق سندر دیری (طریقت علیه نقشبندیه) نک بو عبد عاجزه بخش ایتش اولدیفی فیوضات معنویه سایه سنده حاصل ایلدیکم نزاهت قلبیه و صفوت روحیه می کدورات بشیریدن محافظه بیدل مقدرت ایلمکده یم . بو احوال عاجزانه مه اولا جناب حق ، ثانیاً بری یقیندن بیان و هیچ بر غرض و عوض تعقیب ایتیان بیکلرجه ذواتی اشهاد ایلرم .

بعنایه تعالی علوم مرتبه بی کاهی حقها تحصیل و بو علومی کerk جوامع شریفده و کerk مکاتب عالیه و نالیده تعلیم ایتدیکم کی علم تفسیر و علم تصوف ایلده پک چوق اشتغال ایدرک بو سایهده قرآن کریمک اون جزونه عائد اولان و هنوز غیر مطبوع بولنان تقریباً

موجود اهل اسلامک استناد کاهی اوله رق یالکز (حکومت عثمانیه) قلمش وقف شو مسلک سقیم یکنانه ملجا و یتاهمز بولنان حکومتمزیده تهدید ایتمکه بولمشدر .

مشروطیتک اعلانی متعاقب عموم طرفندن ایدیلان اظهار شادمانیدن ارتق بون اهل اسلامده دورا تباهاک حلول ایتش اولدیفنه و بناء علیه بین المسلمین دین نامنه القای نفاق و شقاق بردها عودت ایتمک اوزره زواله یوز طومش بولدیفنه برآز امید حاصل اولش ایسهده مؤخرأ بومایدک پک بوش اولدیفی کورلش و عصر لردن بری عالم اسلامی رخنه دار ایدن و دیانت جلیله اسلامی نامنه سیاسی اترتقلر چوریمک استمدادنده بولنان و بو صورتله عالم اسلامک دوچار اولدیفی فلا کنلری کافی کورمین پک چوق اشخاصک حالا ایجمزده موجود اولدقلری صورت قطعهده اکلا شلمشدر . اوتوز برمارت حادثه الهیمی بوک پک بیوک شاهد عادلدر .

جناب حقک عنایتی و رسول ذیشانمک امداد روحانیتی و شائلی اردومزک همته حادثه مذکورمک ازاله اولغمی اوزرینه ملککنده برآز سکون و اعتدال حاصل اولدیهده بر مدت صوکره اومسلک سقیمت تکرار ظهور بیله کافی السابق دیانت جلیله اسلامیته نک سیاسی اترتقلره آلت اتخاذ ایدلیدیکی و بونام جلیله ملککنک هر طرفنده نفاق و شقاق تخلفری صاجیلدینی و موقع اقتدارده بولنان هر هانکی بر ذاتک مقدساتنه وارنجیه قدر تعرض ایدیلهرک بویوزدن تأمین منافع خبیسه به چالیشلدینی و بو حالک امثالی کی حکومتمزیده دهشتلی اوچورومره طوغرو سور و کلمکه اولدیفی اصلا نظر اعتباره آلتدینی و حتی بوسنعت مکروهه نک اساس مسئله به اصلا اتقاق اولدیفی حالده محکمه صالونرینه قدر کورتورلیدیکی و بویوسیه ایله حق عاجزانه مده بعض مرتبه تعرضله قصدی ایدلیدیکی کال تأثرله کورلمشدر . احوال خصوصیه مدن بحث ایتلمک ، مسلک و مشربمه دائر ایضاحات و یرمک دنیاده اصلا خوشالاندیف احوال دن ایسهده حائر اولدیف مقامک علوی اعتبار بیله ذاعوموق بولان تعرضله

اوج بیک صحیفه فی حاوی بر تفسیر شریف وجوده
کثیردم. حقایق دینیّه متعلق بر خیلی آثار تصوفیه
تدریس و ترجمه شده موفق اوله رق بو سببه له الحمد
ولمنه نجه دقایق دینه و اسرار قرآنیّه کسب و قوفله
اسلامیک فوقنده و یا آکا مساوی هیچ بر مسلک و هیچ
بر مذهب بولمق احتیالی اولمدیغه شهود درجه سنده
قناعت وجدانیّه حاصل ایتدم. بونکله ده بحق افتخار
ایتمکده یم.

باطفه تعالی اکتساب ایلدیکم شو حقایق دینیّه
و فیوضات محمدیه سایه سنده درک بر چوق سینه
لردنبری اسلامیک علونتی بوتون جهانه قارشی اثباته
چالشم آره صیره ایجاب ایتدیکه بو خدمت مبعجلی
الآن ایفادن کیری طور مادم و انشاءالله الرحمن کیری طور
میجغم. بوکاده شمدی به قدر کرک تحریراً و کرک تقریراً
نشر ایلدیکم مقالات دینیّه شهادت ایلکده در. بناء علیه :
دین اسلامه مخالف اولوبده بکا اسناد اولنان هر هانکی
بر مذهب و بایر مسلکی کال شدتله رد ایدر و سلامت ملک
وصیانت دیانت نامه بوکی تسویلاته اصلاهیّت و بر ماملری
و اوکی باطلی بوتون قبلرله، لسانلرله رد ایللری
بالجه اهالی اسلامیه توصیه ایلر و بویسانمهی نشردن
مقصد محافظه موقع اولیوب ایحق هم بوتون خلقی دوچار
اولدقلری سوءظندن خلاص ایتک هم ده کرک بوعاجزک
یرینه کلهجک اولان ذاته و کرک سائر مواقع اقتدارده
بولنان و یا بولنهجق اولان اکابر دولته اسناد اولنهجق
بوکی اقوال مردوده و منفوریه اصلاحواله سمع اعتبار
اولنامسک صورت قطعیه لزومی و چونکه سلامت
دین و دنیانک ایحق بو نقطه ده بولندیغی خالصانه اخطار
ایدرم.

ه الذی الحجه ۲۲۹

شیخ الاسلام

موسی کاظم

اشبو مقاله غرا : سراسر حروف نورانیّه ایله
صحف مطهریه درج و ترقیمه شایان و احرا ایکن
هر چه بادا باد طریق مکابره اصرار و عناد ایدنلرک

اعتراضات سیخفه لرندن قورتلمدی. مقدمه مبارک سنده
نجه حکومات اسلامیّه محو و پریشان ایدن اسباب
حقیقیه ک آیات قرآنیّه و اصول و قواعد دینیّه ایله
تعین و اثبات ایدلش اولمسنه قارشی اسباب مذکورهمی
او دلائل مقدسه سک فوئده آرامق فیکرلری ایلری
سوریلرک کوا تنقید ایدلک ایستلدی. خاتمّه حسنه سنده
دخی دین اسلامه مخالف اولان هر مذهب و مسلک عبارات
واضح ایله صورت قطعیه رد ایدلش ایکن درلو درلو
تاویلات غرضکارانه ایله عدم کفایتنه دائر خیلی سوزلر
سویلندلی. کونشی چامور ایله صیواق قیلندن اولان
و مشیخت علای اسلامیه قدر بوکلمسنه تصدی ایدیلان
اراجیفه منفوره و اعتراضات مذکورمک سوا حق اصلیه سی
آرتق تمایله اکلشامشدر. بوکون هرکس بیلورک
بونلر : حسد و استرقابک افکار فاسده به تلقیح
ایلدیکی سموم اخلاقیه ک نتیجه لیدر.

بیاننامه مشیختنهاینک بلاغ مینی اوزرینه علاوه
ایدلهجک برجهت قالمشدر. بزم عهدّه حمیمه ترتب
ایدن بر وظیفه و ارسه اوده ذات سائی فتوایهاینی نزد
اقدس الوهینه نائل اولدقلری درجات عالیّه دن دولای
تبریک ایلکدر. بوتبریک ماهیت دینیّه سنی تحطیر ایتک
اوزره تصوفک سکننجی نسخه سنده محرر بولنان و (اذا
احب الله قوماً اسلامهم) حدیث شریفی اوزرینه معلومات
لازمه می محتوی اولان (اسرار ایتلا) عنوانی مقاله ک
تکرار مطالعه سنی قارئین کرامه رجا ایلرز. مقاله مذکورمک
مقدمه سنده دینلمش ایدی که : انما دین واولیای کزین
رضی الله تعالی عنهم اجمعین حضرتانک مناقب سینه لری :
ذوات مشارالیه ک کونا کون اذا وجفایه، رنکارک بهتان
و افترا به معروض بوللمش اولدقلرینی ناطقدر. بواستلک
مروحه حکمتی : حدیث شریف نبویک دلالتیه بحب مقدسه
ربانیه و اوحبیت مقدسه ک اقتضا ایلدیکی مراتب جلیه
معنویه کسب لیاقت ایچون محن و بلایا واسطه سیلیه
تهذیب و تصفیه روحانیه در. (اشد الناس بلاه الانبیاء
ثم العلماء ثم الصالحون) حدیث شریفی اوزره محن و بلایا :

علیهم صلوات الرحمن حضرتانند بری اثثنای مناجاتانده
(یارب! بندن راضی اولدیغی نصل آکلایه بیلیرم .)
دیمش و جانب اقدس السیدن وحی ایدیلرک (فقرا
ومساکینک سندن راضی اولوب اولمدقلرینه دقت ایت!)
بیورمشدر .

هجرت سینهدن صوکره فقرای مهاجرین مسجد
نیویٹک صفه سنده اقامت ایدرلر ایدی . بوذوات کرامک
علو قدر و منزله لری حقیقده متعدد آیات کریمه شرفنازل
اولمشدر . حضرت صدیق اکبر برکون بعض مسموعاتی
اوزرینه مشارالیه حضرتای آزارلامش ایدی . بوکیفیت
معلوم جناب رسالتنهای اولنجه صدیق اکبره خطاباً
(یا ابا بکر! آنلری اغضاب ایتش اولیمه سک؟ زرا
آنلری اغضاب ایتش ایسه ک تعالی و تقدس حضرتلرینی
اغضاب ایتمشک!) بیورملری اوزرینه صدیق اکبر
هان مشارالیه حضرتانه مراجعتله معامله سابعه دن
دولایی سزای اغضاب ایتش اولیمه دینجه (لاویفقرالله
لک یا ابا بکر) بیورمشدر . یعنی (خار! سن بزای
اغضاب ایتدک جناب حق سکا مغفرت ایلسون یا ابا بکر!)
دیمکدر .

مساکین و فقرایه میل و محبتک و غایت متواضعانه
حسن معامله و صحبتک حکمت دینییه سی آفا تفصیل
ایدلیکی اوزره سنن سینهیه متابعت و حکمت اخلاقییه سی ده
رؤیت نفس ایله اتانیتک ترکندن عبارتدر بو خصوصده
اسلاف کرامک مناقب سینه لری جدآشایان تدقیق وتأمیلدر .
عبدالعزیز ابن ابی رواد حضرتلری : (جناب حقه یمین
ایدرم که ایوم بر یوزنده بندن دها فنا آدم بیلمیورم)
بیوریرلر ایدی . یونس بن عبید حضرتلری عرفه دن
عودت بو یورده لری صرهده موقف مبارکده حجاج کرامی
نصل بولدک: دیه ایراد ایدیلان بر سؤالک جوابنده (هپ
خیرلی ذوات ایدی یالکزن بن ارالزنده بولنیوردم اگر
لطف آلمی اولمیدی بنم سیمدن حجاج مسلمینه رحمت
ربانیه نازل اولمز ایدی) بیورمشدر .

بشر بن منصور نماز قیلازکن صوکره درجه خشوع

دائماً نزدالو هیتمه احراز ایدیلرک مراتبک علودر جاتی
نسبتنده در . محبت آلمیه نسبتنده ابتلاک ابتلا نسبتنده
علو مقام واصطفانک ظهوری سنن سینه آلمیه دندر .

ایشته اعتراضات باطله بالاسنک دلالتیه محبت مقدسه
ربانییه مظهریتلری ثابت اولان ذات ساهی مشیختنهاییه
عرض تبریکات ایدر وارباب اعتراضاتک دخی ندامت کاهله
ایله توبه مقبولیه موقتیلرینی هادی حقیقی تعالی و تقدس
حضرتلرندن دعا ونیاز ایلرز . والله یدی من یشاء الی
صراط مستقیم .

اخلاق صوفیه

حب مساکین

فقرا و مساکینه میل و محبت ایله دائماً کندیلرینه
نوازش و مرحت و تواضع و حرمت ایلک : مکلام
اخلاق صوفیه دندر . چونکه بو معامله انسانیتکارانه
اساساً محبت آلمیه مقتضاسیدر (قل ان کنتم تحبون الله
فاتبعونی یحبکم الله) آیت کریمه سنک دلالت صریحه مسیه
حق تعالی حضرتلرینه محبتلری اولانلر : دائماً سنن سینه
نیه ییه اتباع ایدرلر . سیدالکونین والثقلین پیغمبر مر
افدسز حضرتلری فقرا و ضعیفیه صوکره درجه حرمت
و محبت ایدرلر ایدی حتی ادعیه مقدسه رسالتنهایلرند
(اللهم احبنی مسکیناً وامتنی مسکیناً و احشرنی فی صمره
المساکین) بیوریرلر ایدی . فقرا و مساکین ایله همبزم
اولدقلرند غایت متواضعانه بر صورته دیز چو کورک
(انما انا عبد اجلس کا یجلس العبد) حدیث شریفیه
اصحاب و امتی ارشاد ایدرلر ایدی . یعنی (بن الحقیق بر
قولم قوللر ناصل او طور بر لر سه بن ده اوله جه او طور برم)
دیمکدر .

سفیان ثوری حضرتلری بیوریرورکه قیافتی
پژمرده و پریشان بر فقیرک کلوده برابرند او طور .
مسندن دولایی متاذی اولان بر آدم ناقص القدر .
فضیل ابن عیاض حضرتلرینک روایتلریله انبیای دیشان